

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 237753 23 St
Zenica, 23.04.2024. godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom Društvo za promet i usluge „MISBAH“ Zenica, Društvo sa ograničenom odgovornošću, ul. Školska br.2., Zenica, 23.04.2024.god., donio je slijedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom Društvo za promet i usluge MISBAH d.o.o, Društvo sa ograničenom odgovornošću, ul. Školska broj 2. Zenica.

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj dužnikom Društvo za promet i usluge „MISBAH“ Zenica, Društvo sa ograničenom odgovornošću, ul. Školska br.2., Zenica, podnio je 30.12.2022. godine, prijedlog za otvaranje likvidacionog postupka nad društvom dužnikom Društvo za promet i usluge „MISBAH“ Zenica, Društvo sa ograničenom odgovornošću, ul. Školska br.2., Zenica.

Likvidator društva je na ročištu za ispitivanje uvjeta za otvaranje stečajnog postupka izjavio da ostaje kod svih navoda preciziranim u Izvještaju o stanju imovine i obaveza Društva za promet i usluge MISBAH d.o.o. Zenica od 17.03.2024. godine. Likvidacioni upravitelj je izjavio da je Općinski sud u Zenici dana 02.02.2023. godine, donio rješenje kojim se pokreće likvidacioni postupak nad imenovanim pravnim subjektom te da je u skladu sa nalogom suda pokušao da realizuje obaveze te potvrdi likvidnost navedenog privrednog subjekta, te da je u toku likvidacionog postupka utvrdio sljedeće pravno relevantne činjenice: Da je društvo za promet i usluge MISBAH d.o.o. Zenica, MBS subjekta: br. 1-1789 registrovano u Općinskom sudu u Zenici ne obavlja poslovnu djelatnost počev od 01.01.2005. godine, da je MISBAH d.o.o. Zenica imalo otvorene račune i to tri računa kod UniCredit Bank Banja Luka koji je blokiran počev od 15.09.2005. godine, ASA Banka blokiran od 09.12.2003. godine, Raiffeisen Bank d.d. Sarajevo koji je ugašen od 26.02.2009. godine, da društvo MISBAH d.o.o. Zenica u posjedu nema motornih i priključnih vozila, da društvo MISBAH d.o.o. Zenica nije upisano kao nosilac prava u katastarskom operatu Službe za imovinsko, pravne, geodetske poslove i katastar nekretnina, da društvo MISBAH d.o.o. Zenica nije evidentirano kao vlasnik, suvlasnik nekretnina koje pokriva ZK Ured Općinskog suda u Zenici, da na lokaciji sjedišta Školska broj 2, u Zenici, nije zatekao bilo koga vezano za rad ove firme a prema izjavi direktora Aldijane Begić firma na toj lokaciji ne obavlja djelatnost od 01.01.2005. godine. Izjavio je da se u toku likvidacionog postupka, a shodno oglasu suda u Službenim novinama koji je podrazumijevao poziv povjeriocima da prijave svoja potraživanja je zaprimio pet prijava i to: Željezara Zenica d.o.o. Zenica u stečaju u iznosu od 10.249,65 KM, Porezna uprava F BiH, Kantonalni porezni ured Zenica u iznosu od 39.399,15 KM, JP „Grijanje“ d.o.o. Zenica u iznosu od 399,58 KM, Grad Zenica iznos od 1.841,60 KM i FZ PIO/MIO KAS Zenica iznos 39.704,75 KM, ukupno prijavljena potraživanja 91.593,80 KM. Izjavio je da je potraživanje povjerioca Željezara Zenica zasnovano na presudu Općinskog suda u Zenici broj: Mals -56/02 od 16.04.2003. godine, te u kontestu primjene Zakona o obligacionim odnosima, a u vezi zastare potraživanja ova presuda s obzirom da je protekao vremenski period od 10 godina od njene pravomoćnosti što bi značilo da u stečajnom postupku ovo potraživanje ne bi obezbjedilo sudsku

zaštitu, potraživanje povjerioca JP „Grijanje“ doo Zenica u visini od 349,58 KM sa sudskom taksom u visini od 50,00 KM, datira iz 2004. godine tako da i ovo potraživanje bi bilo bez sudske zaštite u eventualno otvorenom stečajnom postupku, a potraživanje povjerioca Grad Zenica u visini od 1.841,60 KM datira po rješenju od 01.06.2000. godine koje je pravosnažno od 01.08.2000. godine, također ne bi moglo da obezbjedi sudsku zaštitu u sudskom postupku zbog zastare istog. Izjavio je da potraživanja koja nisu zastarjela ili uopšte ne zastarjevaju su u visini 79.103,90 KM, te da je to nesporna činjenica koja ukazuje na kratkoročnu i dugoročnu platežnu nesposobnost navedenog privrednog subjekta, a u kontestu činjenice da ovaj privredni subjekat ne raspolaže bilo kakvom pokretnom ili nepokretnom imovinom, potraživanjima prema kupcima, smatra da ne postoje uvjeti za pokriće troškova stečajnog postupka, ali su nesporno ostvareni uvjeti da se ovaj privredni subjekat zbog dugogodišnje privredne neaktivnosti briše iz registra kao takav. Likvidator je predložio da sud pozove povjeritelje da uplate predujam u iznosu od 3.000,00 KM, na ime troškova eventualnog vođenja stečajnog postupka, da u cijelosti ostaje kod svog izvještaja i navoda iznesenih na ročištu za ispitivanje uvjeta za zaključenje likvidacionog postupka od 01.02.2022. godine. Likvidator je izjavio da prijavljena potraživanja od strane tri povjerioca i to: UIO Regionalni centar Sarajevo, Porezna uprava Kantonalni porezni ured Zenica, te FZ PIO/MIO Mostar, Kantonalna administrativna služba Zenica, te da su sva tri potraživanja ispitana i priznata kao osnovana.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić